

Design
mode...

রাজধানীর ওয়ারীতে রিকশাচালক সিজার হোসেনকে পিটিয়ে হত্যা করে রিকশা ও মোবাইল ফোন নিয়ে পালিয়ে যাওয়ার ঘটনায় ৬ জনকে গ্রেফতার করা হয়েছে। ওই ঘটনায় মূল পরিকল্পনাকারীসহ ছয় ছিনতাইকারীকে গ্রেফতার করেছে ঢাকা মেট্রোপলিটন গোয়েন্দা ওয়ারী বিভাগ।

ডিএমপি'র অতিরিক্ত পুলিশ কমিশনার (ডিবি) মোহাম্মদ হারুন অর রশীদ সোমবার নিজ কার্যালয়ে সাংবাদিকদের জানিয়েছেন, রাজধানীর ওয়ারীতে ২৯ এপ্রিল রাতে রিকশাচালক সিজার হোসেনকে (২১) রড দিয়ে পিটিয়ে হত্যা করে রিকশা ও মোবাইল ফোন নিয়ে পালিয়ে যায় দুর্ভুজরা। ওই ঘটনায় মূল পরিকল্পনাকারীসহ ছয় ছিনতাইকারীকে গ্রেফতার করেছে ঢাকা মেট্রোপলিটন গোয়েন্দা ওয়ারী বিভাগ।

ডিএমপি'র গোয়েন্দা প্রধান বলেন, আসামিরা গত ২৯ এপ্রিল রাতে পরিকল্পনা করে ওই রাতে যে রিকশাটিই পাবে সেটিই ছিনিয়ে নেবে। এজন্য ছিনতাইকারী চক্রের সদস্য হৃদয়কে নাজিরা বাজার পাঠিয়ে দেওয়া হয়। হৃদয় সিজারের চালিত অটোরিকশাটি ভাড়ায় ডেকে নিয়ে আসে। রাত সাড়ে ১২টা দিকে কদমতলী থানাধীন শ্যামপুর শিল্প এলাকায় বসে অপেক্ষায় থাকে বায়জিদ, রাসেলরা। রিকশাচালক সিজার হোসেন সেখানে পৌঁছানো মাত্র রিকশাটি ছিনিয়ে নেওয়ার চেষ্টা করে। বাধা পেয়ে সিজারকে লোহার রড দিয়ে মাথার পেছনে আঘাত করে হত্যা করে ব্যাটারি চালিত অটোরিকশা ও স্মার্ট মোবাইল ফোন ছিনিয়ে পালিয়ে যায়। ব্যাটারি চালিত অটোরিকশাটি নিয়ে তারা চলে যায় কদমতলী চিটাগং রোডে। সেখানে তারা চক্রের সদস্য সেলিমের কাছে মাত্র ১৭ হাজার টাকায় বিক্রি করে দেয়।